



**Tsy izy, hono, ny tompon'antoka. Ianao aloha no eo r'ingahy ity a! Ary nandritra ny tetezamita izay kianinao toa olona ho faty rahampitso dia minisitry ny Vola nandritra ny 5 taona ianao. Tsy izany ny hoe mandrora mitsilany? Raha tety ivelany ianao dia tena marina daholo ny voalazanao. Saingy indrisy. Sady mbola Filohan'ny Filan-kevitra ny fitantanàna tao aminy Air Madagascar koa anie ianao e! Aza mihevitra ny vahoaka malagasy ho dondrona sy kentrina daholo, aza fady**



Mba manandratra avo ny kolontsaina Malagasy anie ireto ankizy ireto, na dia mafy aza ny manjo azy e!

**Fitarainana avy aminy mpianatra Malagasy hiantohan'ny fanjakana Malagasy aty Shina.**

Taminy taona lasa 2015 dia nandefa vatsim-pianarana ho an'ny mpianatra aty Shina ny fanajakana Malagasy. Vola mitentina **5,252,734,960.04 Ariary** (izay hazavain'ny mailaka nalefan'ny Masoivoho Malagasy tamin'ny mpianatra) no nalefa mba handohavan'ny mpianatra ny ampahan'ny trosany manoloana ny Oniversite misy azy avy. Nomena ny mpianatra nandritra ny fotoana samihafa io vola io arakaraka ny ampaham-bola voarain'ny masoivoho Malagasy aty Shina. Toy izao manaraka izao ny fitsinjarany.

Tamin'ny volana:

- Novambra: **1,382,237,864.54 ariary;**

- Decembra: **1,382,237,864.54 ariary;**

- Martsa: **1,086,044,036.4242 ariary**

Fitambaran'izay efa voaray = **3,850,519,765.5052 ariary**

Ambiny tsy mbola voaray =  $5,252,734,960.04 - 3,850,519,765.5052$

**= 1,402,215,194.5358 ariary (izay tsy hita )**




Mankasitra indrindra tompoko!

Talata faha 31 May 2016

### Mpianatra Malagasy aty Shina



**Ka raha 90% ny tahan'ny fahantrana tamin'ny fotoan'ny nandraisanao ny fitondrana dia firy izy izao roa taona aty aoriana? Vola sy antontam-taratasim-bola no nikirakirainao mivantana nandritra ny dimy taona be izao, nafahanao nivity io trano be ao Tsimbazaza io e! Tsy misy dikany io volan'ny mpianatra malagasy any Shina raha oharina amin'ny vidin'io trano be io. Be karama kosa ianao tamin'izany ô? Ka asa: Andry Rajoelina daholo no nahatonga izao fanaovana an-kilabao ny tanora malagasy mpianatra any Shina ary manan-jo amina vatsim-pianaram-panjakana, amin'izao taona 2016?**



**Ekena fa lehilahy mahasaky tokoa ianao fa dia jamba koa izany Andriamanitra an-tampin-doha io. Rehefa tsy andrinao intsony, handrasan'ny vahoaka maro an'isa maha firenena ny firenena foana rangaha ity a! Misy farany ny zava-drehetra eto amin'ity tany fandalovana ity. Ary filoha mandalo fotsiny ihany ianao ka tsy hitondra anao mankaiza io volabenao io ( [ETO](#) mavisavisa)**

**Jeannot Ramambazafy - 05 Jona 2016**